

inuicem, si mixtionis spectes conditionem, mixtorum proles, de hoste ad interneccionem cæso fit triumphatura. Id autem quamuis ita se habeat, & natum corpus duorum tantum elementorum qualitatibus suam debeat compagem: è quatuor tamen constare supradictum argumentum argutabitur. Infirmè tamen, cum quod de solis elementorum omnium qualitatibus, legitimo proportionis idoneæ præscripto commissis, *et* solum dici debebat, vniuersim & simpliciter extulerit. Nec obsistit nobis, quod alibi apud Aristotelem legimus, omnem remissionem fieri per admixtionem contrarij: vt cum eiusmodi corpora summis qualitatibus sint exuta, permixtis contrarijs id oportuerit contigisse. At non minus illam Philosophi sententiam paulò exactiùs librandam dicimus, ne prout verba sonant, simplicis veritatis præ se ferre speciem existimentur. Hoc enim Alexander quoq; Aphrodiseus vnà cum Auerrhoide cauendum monet. Quantumuis autem in huius rei explicacione multum se torqueat Zabarella, inter

5. Phys. textu 19.

An omnis remissio fiat per contraria.

2. Quæst. natural. cap. 17. ☉
2. Cæli con. 15.